

Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 422;
fax. +387 33 726 423
e – mail: info@voda.ba

Broj: **UP-1/21-3-40-025-4/26**
Datum: **12.03.2026. godine**

„Agencija za vodno područje rijeke Save“ Sarajevo rješavajući po zahtjevu pravnog lica „Vrela-kop“ d.o.o. Kreševo za donošenje rješenja o vodnoj dozvoli za ispuštanje tehnoloških otpadnih voda i aktivnosti koje mogu imati specifične uticaje na vode sa lokacije prostora površinskog kopa „Vrela“ i iz objekta za preradu mineralne sirovine mramoriziranog vapnenca, općina Kreševo, na osnovu člana 139. stav (1) tačka 3. i 10. Zakona o vodama („Sl. novine Federacije BiH“, br. 70/06) i člana 200. stav (1) Zakona o upravnom postupku („Sl. novine Federacije BiH“, broj 2/98, 48/99 i 61/22), donosi

RJEŠENJE **o vodnoj dozvoli**

1. Pravnom licu „Vrela-kop“ d.o.o. Kreševo daje se vodna dozvola za ispuštanje tehnoloških otpadnih voda i aktivnosti koje mogu imati specifične uticaje na vode sa lokacije prostora površinskog kopa „Vrela“ i iz objekta za preradu mineralne sirovine mramoriziranog vapnenca, općina Kreševo, na zemljištu označenom kao k.č. broj: 2512/1, 2512/2, 2512/3 K.O. Kreševo.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Rješenje o vodnoj dozvoli je doneseno na osnovu pregleda dokumentacije kojom raspolaže podnosilac zahtjeva, izvršenog uviđaja i utvrđenog činjeničnog stanja na objektu i pod slijedećim uslovima:
 - 3.1. Da se upotreba i korištenje predmetnih objekata vrši u skladu sa njihovom prirodom i namjenom te u skladu sa uslovima iz ove vodne dozvole.
 - 3.2. Da se objekti čija je svrha odvođenje i prečišćavanje tehnoloških otpadnih voda (betonski taložnici, slivnici, rešetke, kanali, šahtovi, ivičnjaci, rigoli, kanalizaciona mreža i dr.) redovno održavaju i koriste na način koji će obezbijediti njihovu potpunu ispravnost i funkcionalnost.
 - 3.3. Da korisnik predmetnih objekata, za vrijeme trajanja ove dozvole, obezbjeđuje da se tehnološke otpadne vode i oborinske onečišćene vode sa prostora površinskog kopa-kamenoloma „Vrela“ i iz objekta za preradu mineralne sirovine mramoriziranog vapnenca nesmetano sakupljaju i odvede do objekata predviđenih za tretman tehnoloških otpadnih voda i oborinskih onečišćenih voda, a zatim ovako tretirane vode ponovo koriste u sistemu recirkulacije, a višak vode preko monitoring okana ispušta u povremeni vodotok Suhi potok.
 - 3.4. Da se redovno vrši monitoring prečišćene otpadne vode iz okna za monitoring shodno članu 19. i 20. Uredbe o uslovima ispuštanja otpadnih voda u okoliš i sisteme javne kanalizacije, te pojedinačne i zbirne godišnje izvještaje dostave Agenciji u skladu sa odredbama iste.
 - 3.5. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaju i načinu davanja ovlasti („Službene novine Federacije BiH“, broj 14/10, 14/13, 26/14, 15/17, 23/17 i 41/20).
 - 3.6. Prečišćene otpadne vode, prije ispuštanja u recipijent, moraju ostati u maksimalno dopuštenim granicama definisanim u Prilogu 27. Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj: 26/20, 96/20, 1/24), a ukoliko Vlada Srednjobosanskog kantona propiše dodatne (strožije) uslove za ispuštanje otpadnih voda u površinske vode, od uslova definisanih u Prilogu 27. Uredbe o uslovima ispuštanja otpadnih voda u okoliš i sisteme javne kanalizacije, podnosilac zahtjeva je u obavezi iste zadovoljiti.
 - 3.7. Da korisnik poslovnog objekta bušenje i miniranje stijenske mase vrši kontrolisano po projektu te da minerske radove može vršiti isključivo ovlašteno minersko društvo.
 - 3.8. Da se eksploatacija mineralne sirovine na površinskom kopu „Vrela“, općina Kreševo vrši isključivo u skladu sa odobrenim (verifikovanim) rudarskim projektom tj. u skladu sa Zakonom o rudarstvu

- („Službene novine Federacije BiH“ broj 26/10) i drugim pratećim provedbenim propisima, tj. podzakonskim aktima koji tretiraju ovu oblast.
- 3.9. Ukoliko u toku važenja ovog rješenja o vodnoj dozvoli pravno lice u skladu sa rudarskim projektom i drugom verifikovanom dokumentacijom promijeni način i režim eksploatacije mineralne sirovine, tada je u obavezi da projekat – hidro fazu doradi i dopuni u skladu sa činjeničnim stanjem na terenu i uslovima iz ovog rješenja i rješenja izdatih od drugih nadležnih organa.
 - 3.10. Korisnik objekta je obavezan pridržavati se svih mjera i uslova propisanih u saglasnostima i dozvolama izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
 - 3.11. Na prostoru površinskog kopa (radno manipulativnim površinama, otkopnim etažama i sl.) zabranjena je izgradnja depoa jalovine, iskopanog materijala, humusa i sl.
 - 3.12. Da se, u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
 - 3.13. Sadržaj (mulj) iz postrojenja za prečišćavanje otpadnih voda i ostali otpad ne smije se odlagati na česticu „vodno dobro“, odnosno u vodotoke i na njegove obale.
 - 3.14. Da se istrošena ulja, nauljene krpe i sav opasan otpad koji će nastati na prostoru površinskog kopa-kamenoloma „Vrela“ prikuplja i propisno, privremeno skladišti u metalne spremnike, do krajnjeg, ekološki prihvatljivog zbrinjavanja od strane ovlaštene organizacije, a prema sačinjenom ugovoru.
 - 3.15. Ukoliko rezultati analiza vode ukažu na prisustvo ulja i masti iznad dozvoljenih vrijednosti propisanih Uredbom, tada se Investitor obavezuje da izvrši ugradnju separatora ulja i masti sa koalescentnim filterom u skladu sa normom 858 EN.
 4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
 5. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog privrednog kompleksa obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
 6. Ukoliko radom predmetnog privrednog kompleksa za koji se izdaje ova vodna dozvola dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik objekta je dužan uzroke štete otkloniti, a nastale štete nadoknaditi.
 7. U periodu važenja ove dozvole, pravno lice je dužno provoditi sve mjere i aktivnosti propisane istom.
 8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
 9. Prije isteka važnosti ove dozvole korisnik je dužan da podnese zahtjev za izdavanje nove vodne dozvole.
 10. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina od dana pravosnažnosti ovog rješenja.
 11. Ovo rješenje o vodnoj dozvoli može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice Milićević d.o.o. Kreševo u ime pravnog lica „Vrela-kop“ d.o.o. Kreševo, podnijelo je 27.01.2026. godine zahtjev za izdavanje Rješenja o vodnoj dozvoli za ispuštanje tehnoloških otpadnih voda i aktivnosti koje mogu imati specifične uticaje na vode na lokaciji prostora površinskog kopa „Vrela“ i iz objekta za preradu mineralne sirovine mramoriziranog vapnenca, općina Kreševo.

U provedenom postupku dostavljena je i pregledana sljedeća dokumentacija:

A- Opšta dokumentacija:

- Aktuelni izvod iz sudskog registra izdat od strane Općinskog suda u Travniku, broj: 051-0-RegZ-25-001869 od 30.10.2025. godine – ovjerena kopija,
- Uvjerjenje o poreznoj registraciji od 14.11.2016. godine izdato od strane Kantonalnog poreznog ureda Novi Travnik - ovjerena kopija,

- Odgovor na upit, broj: 05/2-19-5-379/23 JM od 26.05.2023. godine izdat od strane Federalnog ministarstva okoliša i turizma – kopija
 - Rješenje, Up/I broj: 07-18-535/01 od 23.10.2001. godine izdato od strane Federalnog ministarstva energije, rudarstva i industrije – kopija,
 - Rješenje, broj: UP-I/02/2-23-2-15/01 od 16.07.2001. godine izdato od strane Federalnog ministarstva prostornog uređenja i okolice – kopija,
 - Ugovor potpisan sa Delta Petrol d.o.o. Kakanj, broj: 22-12/25-DS od 11.12.2025. godine – kopija,
 - Ugovor o koncesiji za istraživanje i eksploataciju mramoriziranog krečnjaka na lokalitetu „Vrela“ Kreševo, potpisan sa Ministarstvom gospodarstva Županije Središnja Bosna, broj: 450/02 od 27.09.2002. godine – kopija,
 - Rješenje, broj: 06-23-248 od 26.05.2003. godine izdato od strane Službe za katastar i imovinsko-pravne poslove općine Kreševo – kopija,
 - Rješenje o vodnoj dozvoli, broj: UP-I/25-3-40-214-4/19 od 24.05.2019. godine izdato od strane Agencije za vodno područje rijeke Save, Sarajevo – kopija,
 - Potvrda, broj: 02-19-148/26-7 od 22.01.2026. godine izdata od strane Općine Kreševo – kopija,
 - Uvjerenje o registraciji/upisu u Jedinствeni registar obveznika indirektnih poreza za pravno lice „Vrela-kop“ d.o.o. Kreševo – kopija,
 - Rješenje o izmjenama podataka za pravno lice „Vrela-kop“ d.o.o. Kreševo, broj: 051-0-Reg-25-000416 od 15.07.2025. godine izdato od strane Općinskog suda u Travniku – kopija,
 - Uvjerenje o registraciji poreznog obveznika „Vrela-kop“ d.o.o. Kreševo od 24.09.2020. godine izdato od strane Kantonalnog poreznog ureda Novi Travnik – kopija,
 - Ugovor o zakupu poslovnih prostorija, postrojenja i kamenoloma zaključen dana 04.09.2020. godine – kopija,
 - Ugovor, broj: 22-12/25-DS od 11.12.2025. godine potpisan sa „Delta petrol“ d.o.o. Kakanj – kopija,
 - Ugovor o koncesiji za istraživanje i eksploataciju mermeriziranog krečnjaka na lokalitetu „Vrela“ općina Kreševo, broj: 05-14-7552/23 od 13.11.2023. godine potpisan sa Ministarstvom privrede Travnik – kopija,
 - Izvještaj- monitoring i ispitivanje količine i kakvoće otpadne vode urađen od strane „Herkon“ d.o.o. Mostar, juni 2025. godine,
 - Dokaz o uplaćenju federalnoj upravnoj pristojbi na zahtjev.
- B- Tehnička dokumentacija
- Projekat izvedenog stanja instalacija vodovoda i kanalizacije površinskog kopa Vrela urađen od strane „Zagrebinspekt“ d.o.o. Mostar, ožujak 2019. godine.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 12. stav 5. i 6. Pravilnika o sadržaju, obliku, uvjetima i načinu izdavanja i čuvanja vodnih akata („Službene novine Federacije BiH“ broj: 31/15, 55/19, 41/20, 63/22) izvršen je uviđaj i tom prilikom sačinjen Zapisnik o istom, broj: UP-1/21-3-40-025-2/26 od 10.03.2026. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

- Prostor površinskog kopa „Vrela“ i pratećih objekata za preradu mineralne sirovine mramoriziranog vapnenca, općina Kreševo, nalaze se na zemljištu označenom kao k.č. broj: 2512/1, 2512/2, 2512/3 K.O. Kreševo.
- U prethodnom periodu, od dana izdavanja rješenja o vodnoj dozvoli, pravno lice „Miličević“ d.o.o. Kreševo potpisalo je 04.09.2020. godine Ugovor o zakupu po kojem je poslovna postrojenja i kamenolom, na period od deset godina, izdalo firmi „Vrela-kop“ d.o.o. Kreševo.
- Pravno lice „Vrela-kop“ d.o.o. Kreševo je potpisalo ugovor o koncesiji za istraživanje i eksploataciju mramoriziranog krečnjaka na lokalitetu „Vrela“, općina Kreševo sa Ministarstvom privrede Travnik.
- Pravno lice Vrela-kop d.o.o. Kreševo je nosilac svih aktivnosti koje su predmet ovog rješenja.
- Obezbeđenje sanitarne vode riješeno je priključkom tj. kaptiranjem izvora, vodomjer je ugrađen. Kapacitet rezervoara iznosi 2,00 m³. Voda za piće se obezbeđuje kao flaširana voda.
- Za tehnološki proces rada površinskog kopa te pranje radno manipulativnih površina i mehanizacije izgrađen je rezervoar Blinje, kapaciteta 50,00 m³, te sistem recirkulacije tehnoloških voda.
- Na predmetnoj lokaciji je izvedeno 5 armiranobetonskih taložnika za tretman tehnoloških otpadnih voda (četiri trokomorna i jedan dvokomorni). Na centralni taložnik priključene su oborinske vode i potencijalno zauljene otpadne vode. Pročišćene, tj. istaložene vode iz centralnog taložnika se po potrebi ponovo koristi kao tehnološka voda za pranje radno-manipulativnog platoa- sistem recirkulacije.
- Zbrinjavanje sanitarno fekalnih otpadnih voda vrši se u septičkoj jami bez preliva. Pražnjenje iste se vrši po potrebi od strane ovlaštene firme.

- Dopremanje nafte i naftnih derivata se vrši od strane ovlaštenih firmi, po potrebi. Na terenu nisu instalirani fiksni podzemni niti nadzemni rezervoari nafte i naftnih derivata.
- Popravka tj. servisiranje mehanizacije vrši se u radionici koja se nalazi u sklopu kamenoloma Vrela. Ugrađen je betonski separator ulja i masti. Zauljena voda iz radionice za servisiranje mehanizacije i dijela radno-manipulativnog platoa ispred radionice se prikuplja putem slivnika sa slivnom rešetkom i odvodi na tretman u betonske taložnike. Čišćenje posljednje komore betonskog taložnika (separatora) vrši „Delta petrol“ d.o.o. Kakanj. Monitoring okno nije izgrađeno.
- Pravno lice je u prethodnom periodu vršilo monitoring otpadnih voda od strane ovlaštenog pravnog lica „Herkon“ d.o.o. Mostar. Rezultati analiza uzetih uzoraka vode ukazuju da se ispitivani parametri nalaze u dopuštenim opsezima propisanim Uredbom o uslovima ispuštanja otpadnih voda u okoliš i sisteme javne kanalizacije.
- Preuzimanje rabljenog ulja, ambalaže i dr. vrši firma „Delta petrol“ d.o.o. Kakanj.
- Zbrinjavanje ostalog čvrstog otpada vrši se u kontejnerima do konačnog preuzimanja i zbrinjavanja od strane firme JKP „Kostajnica“ d.o.o. Kreševo.

Na osnovu dostavljene dokumentacije i utvrđenog činjeničnog stanja, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodnom dozvolom propisani uslovi u skladu sa odredbama člana 116. Zakona o vodama i članova 12. i 13. Pravilnika o sadržaju, obliku, uslovima, načinu izdavanja i čuvanja vodnih akata i Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).

Na osnovu provedenog postupka konstatuje se da je podnosilac zahtjeva „Vrela-kop“ d.o.o. Kreševo ispunio minimum uslova za izdavanje vodne dozvole za ispuštanje tehnoloških otpadnih voda i aktivnosti koje mogu imati specifične uticaje na vode sa lokacije prostora površinskog kopa –kamenoloma „Vrela“ i iz objekta za preradu mineralne sirovine mramoriziranog vapnenca, općina Kreševo, te je riješeno kao u dispozitivu ovog Rješenja.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi („Službene novine Federacije BiH“, broj 06/98, 8/00, 45/10 i 43/13).

Uputa o pravnom lijeku:


Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15.0 KM administrativne takse, prema tarifnom broju 3. Tarife federalnih administrativnih taksi.

Voditelj postupka:

mr.sc. Selma Merdan, dipl.inž.geol.

Po ovlaštenju
Rukovodilac sektora za izdavanje vodnih akata


Mihad Pezo, dipl.inž.grad.

Dostaviti:

- „Vrela-kop“ d.o.o.
Vrela bb, 71260 Kreševo,
- ⊖ AVP Sava, ISV-vodna knjiga
- sektor 50
- sektor 40 – arhiva
- oglasna ploča – AVP Sava